



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Monstris Et Monstrosis, Qvam Mirabilis, Bonvs, Et
Ivstvs, In Mvndo Administrando, Sit Devs, Monstrantibvs**

Stengel, Georg

Ingolstadij, 1647

Præfatio.

[urn:nbn:de:hbz:466:1-51168](https://nbn-resolving.org/urn:nbn:de:hbz:466:1-51168)

PRÆFATIO.



*M*onstra dicere, & monstra
narrare, seu Τερατολογεῖν, ut
Græci loquuntur, varijs de
causis homines solent. Quia
enim curiosorum cibus est, noua atque
mirabilia audire, quidam res prodigiosas
memorant, ut earum narratione aures
curiosorum pascant. Alij, ut res raras,
monstra capitibus coronatis offerunt, qui-
bus, eorum gratiam captant. Qualia
monstra multa, ex utraq; India, vel de-
scripta, vel missa sunt ad Reges Hispa-
niarum. Alij, in his ipsis colligendis, in-
dustriam, potentiam, vel magnificenti-
am suam demonstrant; ut olim Romani
Imperatores, in belluis, alijsue bestiis
theatro inducendis. Ita Leonum simul
plurium pugnam, Romæ princeps dedit Q.
Scauola P. filius in curuli ædilitate. Cen-
tum autem iubatorum primus omnium
L. Sylla, qui postea dictator fuit, in præ-
tura. Post eum Pompeius Magnus in circo

Plin; l. 8;
Nat. hist;
cap. 16.

DC.

PRÆFATIO.

Lamprid.
in cor.
vita.

Iudic. 15.
4.

Gen. 7. 14.

DC. in ijs iubatorum CCCV. Cæsar di-
ctator CCCC. *Probus Imp. mille; item
mille Leopardorum; mille cervorū; mille
aprorum; mille ibicum; mille struthio-
rum. Atque, ne in parvis ostentandis
vanitas deesset; Heliogabalus collegit
mille mustelas; totidem sorices; decem
millia murium; decem millia pondo ara-
nearum, & muscarum; monstrosa utiq;
prodigalitate; & inutili vanitate. Alio
sine Samson cepit trecentas vulpes, cau-
dasque earum iunxit ad caudas, & faces
ligavit in medio; quas igne succendens, di-
misit, ut huc illucque discurrerent. Ali-
am ob causam, Noë in arcam coegit om-
ne animal, secundum genus suum; nimi-
rum, ut Vniuersi Conditor, eiusdem etiam
Vniuersi Conservator esset, & in illis eti-
am animantibus, post diluuium, à morta-
libus laudaretur.*

*Quamobrem, sicut Noe in arcam, ita
omnis formæ animalia in Mundum col-
legit Deus; inter quæ & monstra subinde
reperiuntur; quæ quia à consueti naturæ
ordine,*

PRÆFATIO.

ordine, ac præsertim à matrimoniorum se-
ne videntur aberrare, vulgò non solum
putantur contaminare pulchritudinem
creaturarum, sed etiam existimantur di-
uina bonitati atque equitati minùs con-
uenire. Igitur isti laborẽ ex labore serunt,
dum mala & pati coguntur, & malè pati-
untur; atque idcirco in omni, ut prouer-
bio fertur, fabula Dædali execrationem
admiscent. Sed humi serpunt isti, neque
mentem ad diuina attollunt, ut cogno-
scant, quàm sapientes sint caelestis Archi-
tecti cogitationes, quàm iusta consilia;
que norunt etiam his ipsis Mundo quis-
quilijs ornatum conciliare, hominiq; sti-
mulum admouere, ad diuinam maiesta-
tem cum timore & tremore venerandã.

Itaque non certatur de oleastro, non de
nugis, aut corollis, quando de MON-
STRIS aut MONSTROSIS agitur; ipsa
diuina iudicia in trutinam veniunt, ipsa
Numinis laus & gloria diuulgatur &
amplificatur, quando eiusmodi opera
ducuntur in questionem. Semper enim
altissi-

PRÆFATIO.

- altissima providentia, iustitia, aut misericordia latentis vena deprehenditur. Hinc multis sacre pagine locis hac meditatio prescribitur: Ausculta hæc, Iob: 37. 14. sta, & considera mirabilia Dei. Et, ad Tobiam eiusq; familiam, valedicens Angelus ait: Vos autem benedicite Deum, & narrate omnia mirabilia eius. In celebri quoq; illa Davidis musica istud carmen canebatur: Confitemini Domino, & invocare nomen eius: notas facite in populis adinventiones eius. Cantate ei, & psallite ei: & narrate omnia mirabilia eius. Iterumq;: Cantate Domino omnis terra: annunciate ex die in diem salutare eius. Narrate in gentibus gloriam eius: in cunctis populis mirabilia eius. Quia magnus Dominus, & laudabilis nimis: & horribilis super omnes deos. Apud Esdram quoq;: Dedisti signa atque portenta in Pharaone, & in vniuersis seruis eius, & in omni populo terræ illius: cognouisti enim quia superbe egerant contra eos: & fecisti tibi nomen, sicut & in hac die. Quin & David Psal, 104. ipse: Mementote mirabilium eius, quæ fecit:*

PRÆFATIO!

cit: prodigia eius, & iudicia oris: *Deniq̄,*
ne longum faciam, ipse rex Nabuchodo-
nosor, ex hoc MONSTRORVM censu ca-
euq̄ liberatus, menti q̄ restitutus, quasi
de profundo somno euigilans dixit: Ego Dan. 4. 31.
 Nabuchodonosor oculos meos ad cælum
 leuavi, & sensus meus redditus est mihi:
 & Altissimo benedixi, & viuentem in sem-
 piternum laudavi, & glorificaui: quia po-
 testas eius, potestas sempiterna, & regnum
 eius in generationem, & generationem.
 Et omnes habitatores terræ apud eum in
 nihilum reputati sunt: iuxta voluntatem
 enim suam facit tam in virtutibus cæli,
 quàm in habitatoribus terræ: & non est,
 qui resistat manui eius, & dicat ei: Quare
 fecisti? In ipso tempore sensus meus reuer-
 sus est ad me, & ad honorem regni mei
 decoremque perueni: & figura mea reuer-
 sa est ad me: & optimates mei requisie-
 runt me, & in regno meo restitutus sum:
 & magnificentia amplior addita est mihi.
 Nunc igitur ego Nabuchodonosor laudo,
 & magnifico, & glorifico regem cæli: quia
 omnia opera eius vera, & viæ eius iudicia,
 & gradientes in superbia potest humiliare.

Hunc

PRÆFATIO.

Hunc fructum è MONSTRIS &
MONSTROSIS decerpere mens est; hinc
Monstra Deum refero.
Attonitum monstris vulgus, si curio-
sitate his non satiat, sciat, me delectum,
non numerum quæsivisse. Haud enim igno-
ro Conradi Lycosthenis copias; haud ne-
scio ostenta Iulij Obsequentis; neq; mihi
ignota sunt monstra Arnaldi Sorbini, quæ
à temporibus Constantini huc usq; ortum
habuerunt; aut centuria quas Schenk in
observationibus Medicis collegit; vel quæ
Martinus Weinreichius, de ortu mon-
strorum Lypsia. Anno 1595. edidit; neq;
Alcoranus Turcius Schveickheri No-
rinbergici, qui plenus est monstris. Ha-
beris isti plurima, quæ ego omisi; sed &
ego pleraq; discutio, quæ ne-
que illi attige-
runt.

DE